



Mariane Paviasen
Inatsisartunut ilaasortaq, Inuit Ataqtigiit

§ 37 naapertorlugu apeqqutitut akissuteqaat - nr. 154/2021 Kommune Kujallermi nunalerinermik ilinniarfimmik pilersitsinissaq pillugu

19-11-2021
Sagsnr. 2021 - 19773
Akt nr. 18433242

Asasara Mariane Paviasen,

Postboks 1029
3900 Nuuk

Inatsisartut suleriaasiat naapertorlugu apeqquteqaatinnut qujanaq. Matuma ataani akissavakka.

Tlf: +299 34 50 00
Email: ikin@nanoq.gl
www.nanoq.gl

Apeqqut 1: Naalakkersuisut Kommune Kujallermi nunalerinermik ilinniarfimmik pilersitsinissaminnut pilersaaruteqarpat?

Akissut: Naalakkersuisut Kommune Kujallermi nunalerinermik ilinniarfimmik pilersitsinissamut pilersaaruteqaangillat.

Apeqqut 1.A: Aappiuppat; Nunalerinermik ilinniarfik qaqugu ilinniartunit atulernerqarsinnaangussava?

Akissut: Qulaani akissut takuuk.

Apeqqut 1.B: Naamiuppat; Sooq Naalakkersuisut Kommune Kujallermi nunalerinermik ilinniarfik massakkut pingaarnersiuiinermi ilanngunniangilaat?

Akissut: Nunalerinermik ilinniarfimmik pilersitsinissamut periarfissat pillugit Naalakkersuisut oqaloqatigiinneq naalakkersuisoqarfiit iluanni aallartereerpaat. Pingaarnersiuiinermi ajornangippat ilanngunneqarsinnaavoq ilinniartitaaneq pillugu isumasioqatigiinnermi, ukioq 2022 aallartinnerani pilersaarutaasumik ingerlanneqartussami.

Apeqqut 2: Naalakkersuisut Kommune Kujallermi nunalerinermik ilinniarfiliornissamut C-overslagiliussappata, aningaasat qanoq annertutigisut pisariaqartinneqassappat?

Akissut: Kommune Kujallermi nunalerinermik ilinniarfimmik pilersitsinissamut C-overslagimik suliaqartoqaanginnerani, faginik kiisalu ilinniakkap sammiviinik neqerooruteqarnermut pisariaqartitsineq, ilinniartut amerlassusaat, illuutit inillu amerlassusissaat, kvadratmeterimut akit, inissisimaffik, ingerlatsinermit aningaasartuutissat il.il. misissueqqaarnissaq pisariaqassaaq.

Naalakkersuisut taamaasillutik ilinniarfiup angissusissaata naleqqussarneqarnissaa ilisimanagu Kommune Kujallermi nunalerinermik ilinniarfimmik pilersitsinissamut aningaasartuutissat pillugit, matuma ataani siunertamut aningaasat qanoq annertutigisut atorneqassanersut missingiutaassanersut pillugit C-overslagimik suliaqarsinnaangillat.

Apeqquut 3: Naalackersuisut Kommune Kujallermi nunalerinermik ilinniarfiliornissaq tamakkerluni qanoq akeqarumaarnissaa missingersorsinnaavaat?

Akissut: Nalilerneqarpoq, Kommune Kujallermi nunalerinermik ilinniarfimmik pilersitsinermi ilinniarfiup angissusissaa aningaasartuutitut aalajangiisuussasoq.

Naalackersuisut tunngaviusut pigineqartut tunngavigalugit Kommune Kujallermi nunalerinermik ilinniarfimmik pilersitsinissamut aningaasartuutissat pillugit missingersuisinnaanngillat.

Inussiarnersumik Inuulluaqqusillunga


Peter Olsen